

	丑 2
	2
	共 6 册



雜病方講義目錄

第一章 總論

第一節 痙濕喝病方

第二節 百合狐惑陰陽毒病方

第三節 瘡病方

第四節 中風歷節病方

第五節 血痺虛勞病方

第六節 肺痿肺癰欬嗽上氣病方

第七節 奔豚病方

第八節 胸閉心痛短氣病方

第九節 腹滿寒疝宿食病方

第十節 五藏風寒積聚病方

第十一節 痰飲咳嗽病方

第十二節 消渴小便不利淋病方

第十三節 水氣病方

第十四節 黃疸病方

第十五節 驚悸吐衄下血胸滿瘀血病方

第十六節 嘔吐噦下利病方

第十七節 瘡癰腸癰浸淫病方

第十八節 跌蹶手指臂腫轉筋狐疝蛇蟲病方

第十九節 婦人妊娠病方

第二十節 婦人產後病方

第二十一節 婦人雜病方

第二章 方義

方名不錄見章內



南京中醫藥大學圖書館版權所有

雜病方講義

閩杭包一虛識生氏著

男天白 孫應申校字

第一章

總論

傷寒論以六經立論。主以汗吐下和。故一百十二方。統攝於陰陽表裏寒熱虛實之十六種。雜病論則以五藏立論。主以溫清攻補。故一百四十三方。散見於軀殼藏府氣血內外之廿二篇。各症各治。各有各能。不能與傷寒並論者。職是故也。細察經義。仲師是先作傷寒。後作雜病。所以雜病多引用傷寒之方。傷寒則不引用雜病之方也。按其製方之法。傷寒方中。既詳且盡。雜病方中。再不能胡盧依樣。重演一遍。所以此編之著述。不能不別開生面也。今分總論方義爲二章。以盡其義。讀者仍當與傷寒方講義互相觀摩者也。

第一節 瘧濕喝方

瘧方

(一) 括樓桂枝湯

括樓根

桂枝

生薑

甘草

大棗

白芍

(二) 葛根湯

葛根

桂枝

生薑

甘草

大棗

白芍

麻黃

溫攻陽之品。加甘溫培土之劑者也。此乃先師暗示製方之法。補傷寒未盡之義。吾人當體先師言外之意。溫清攻補。當用卽用。不必顧慮。更不可固執俗見。溫補之方。不可加寒攻之藥。總以見症加減爲宜。聖經可據。斷不欺人也。雖二方祇加一味。當知三味五味。亦何嘗不可加減耶。由是觀之。桂枝加減之義。面面俱到。如陽明之葛樓。少陽之龍牡。太陰之芍黃。少陰之參附。厥陰之歸。太陽之桂。在在予吾人以模範者也。桂枝如是。麻黃何獨不然。故雜病篇首。特以桂枝加樓根。麻黃加白朮。作諸方之榜樣也。桂枝麻黃之加減。既如上述。此外更有桂麻之變方焉。卽麻杏薏甘湯。與防己黃芪湯。作營衛中濕虛實之對偶也。一從麻法。一師桂方。一治寒濕傷營。身疼發熱日晡劇。一治風濕傷衛。身重脈浮及惡風。一爲營血之不利。一爲衛氣之不宜。一以麻黃去桂枝加薏苡。一以桂枝去桂芍加已芪。並變更桂麻煎湯之重劑。而爲剉散之輕劑。以符治風濕。用微微似欲汗出之法也。

一物瓜蒂湯解見方義

按以上五方。雖分治瘧濕喝三症。然而發汗攻邪之性。則五方又大同小異。故先師合爲一篇。使其皮膚肌肉筋骨之邪。或從外解。或從裏解。總以發汗利小便爲主。吾人能擇善用之。借治邪同症異之病。亦必捷於桴鼓也。

瘧濕喝爲雜病首篇。先師引傷寒之寒熱病。而轉雜病之無寒熱病。是承上啓下之意。故是篇各症。或有

寒熱。或無寒熱。不一定也。按治瘧之方。雖祇三種。在表者。虛則用括樓桂枝。實則用葛根。在裏者。實則用大承。虛則當用四逆矣。觀此立方。瘧厥之病。症同而經異。在陽經。則稱曰瘧。在陰經。則稱曰厥。然陰經之厥。傷寒已論其詳。此篇之瘧。即陽經瘧病之症治也。故先師立方。皆陽經方劑之立法而已。吾人須知。桂葛之外。仍有青龍真武。大承之外。仍有抵當四逆也。又按中醫之所謂瘧厥。即西醫之所謂腦膜炎。及腦脊髓炎。寒熱症之極重者。皆能轉爲是症也。處方之法。總以表裏寒熱虛實爲斷。近年吾中醫之治瘧。有寒熱者。大都可治。其一種真正腦膜炎。及梅毒性腦脊髓炎。則獲效者百不一二也。

治濕之方。凡六種。本篇三方外。又引傷寒三方。觀其大意。即用桂麻二方之變化而成。君以朮附。佐以防已。薏苡。更以朮爲必用之品。濕當表解者。用麻黃加朮。桂枝附子。濕當裏解者。用麻杏薏甘。防已黃芪。白朮附子。甘草附子也。

治喝。祇有二方。即白虎加參。及瓜蒂是也。白虎治暑。傷寒已論其詳。瓜蒂治暑。有宣通皮膚之義。或取吐得汗而解也。

第二節 百合狐惑陰陽毒方

百合病方

(一)百合知母湯

百合

知母

(二)百合滑石代赭石湯

百合

滑石

代赭石

(三)百合雞子黃湯

百合

雞子黃

(四)百合地黃湯

百合

生地黃汁

(五)百合洗方

百合

(六)栝樓牡蠣散

栝樓根

牡蠣

(七)百合滑石散

百合

滑石

狐惑病方

(八)甘草瀉心湯

半夏

黃芩

黃連

甘草

乾薑

大棗

人參

(九)苦參湯

苦參

(十)雄黃熏法

雄黃

(十一)赤豆當歸散

赤小豆

當歸

陰陽毒方

(十二)升麻鼈甲湯

升麻

鼈甲

當歸

甘草

雄黃

蜀椒

(十三)升麻鼈甲去雄黃蜀椒湯

升麻

鼈甲

當歸

甘草



以上十三方。分爲三類。百合病在藏府。狐惑病在九竅。陰陽毒病在皮膚。病雖不同。症有類似神靈所作。百合病在陰不足。陽有餘。症現口苦便赤。諸藥不能治。得藥則劇而吐利。若藥味濃厚。胃不受納。故用甘平淡味以治之。此非百合莫屬。按百合猶五苓之能充饑。更與胃府相契合者也。其所加之藥。亦屬平淡之品。汗傷津液。加知母之生津。下傷胃陽。加滑石代赭之安土。吐傷胃液。加雞子黃之養液。病形如初。用地黃之養血。百合作外洗。可以治內熱。加滑石內清。可以治表熱也。去百合換以樓蠟。變甘平爲苦寒。可清少陽之相火。而潛歸厥陰。此又爲百合之變方。而藥力更雄猛者也。有一種病人。疑神疑鬼。似一身都是病。却實無甚病也。是神經作用。多所不可之氣性使然。恰與百合病類似。亦不可投以劇藥。以平淡爲宜。當仿百合治法。先師列此百合。承瘞濕喝之後。大有深意存焉。合百種病症於一身。即雜病之義也。狐惑症屬蟲病。竄蝕空竅。先師作內服二方。外治二方。隨症施用可也。按甘草瀉心加參。是瀉肺經之氣。病因蟲蝕喉管。聲音變啞。用此湯以清肺氣之熱也。赤豆當歸散。是消肝經之血病。因蟲蝕眼目作膿。用此湯以消肝血之炎者也。至蟲蝕陰竅。洗以苦參。蟲蝕肛門。薰以雄黃。是因病制宜之法。其喉目之地。不能以毒藥薰洗。故用內服消散之藥也。然陰肛兩部。用薰洗外。亦可內服前方。以清內熱。而喉目雖不能用一切毒藥殺蟲。然以冰硼熊胆外治之。亦未嘗不可也。陰陽毒。是感受外邪而發。偶受天地不正之氣也。症屬陽者。面赤斑斑如錦文。喉痛吐膿血。治以升麻鼈

甲。托裏散邪也。屬陰者。面目青。身痛如被杖。咽喉痛。治以升麻鼈甲。去雄椒之溫燥。免傷陰血也。

第三節 瘧病方

(一) 鼈甲煎丸

鼈甲	蟪蛄	蜚蠊	蜃蟲	鼠婦	蜂窠	人參	阿膠	芍藥
柴胡	黃芩	大黃	桃仁	紫葳	丹皮	桂枝	乾薑	
半夏	厚朴	葶藶	射干	瞿麥	石葦	赤硝	鍛竈灰	
桂枝	石膏	粳米	甘草	知母				

(二) 白虎加桂枝湯

蜀漆	雲母	龍骨
----	----	----

瘧病之方。雖僅三種。而總論治法。已列汗吐下溫清針灸。及飲食消息。皆治瘧成法。諺云。瘧無正方。此古人無藥治瘧之苦處也。然今中西醫法。皆有極驗之方。西用規窠。中用砒石。以及各種驗方。單方可用之。不盡。按此篇所立之方。但分新瘧。寒瘧。溫瘧。而已。鼈甲煎丸。治久瘧結成癥瘕。名曰瘧母。實即脾藏腫脹。瘧菌之病竈結成也。鼈甲煎丸。確有奇效。破氣破血之中。又合補氣補血之品。攻補並用之方也。白虎加桂枝湯。治溫瘧。但熱無寒。陰虛陽盛。瀉陽清熱之藥也。更加桂枝。清中帶溫。無寒但熱之瘧。白虎清之。骨節煩疼之寒。桂枝升之。於是外熱得潛。其瘧即止。內寒得達。骨痛可除。蜀漆散。治寒多熱少之瘧。屬陰盛陽衰。潛陽入陰之藥也。少陽之相火得潛於厥陰。瘧即止也。



第四節 中風歷節病方

中風方

(一) 侯氏黑散

菊花 當歸 川芎 黃芩 礬石 乾薑 牡蠣

防風 桔梗 細辛 桂枝 人參 白朮 茯苓

(二) 風引湯

大黃 乾薑 龍骨 牡蠣 赤石脂 白石脂

桂枝 甘草 石膏 滑石 寒水石 紫石英

(三) 防已地黄湯

防已 桂枝 甘草 防風 生地黄汁

(四) 頭風摩散

大附子 鹽

歷節方

(五) 桂枝芍藥知母湯

桂枝 芍藥 生薑 白朮 附子

甘草 麻黃 防風 知母

(六) 烏頭湯

麻黃 芍藥 甘草 黃耆 烏頭 白蜜

(七) 礬石湯

礬石

中風病在衛氣太強。上衝頭腦。以致腦府出血。身體不遂。病源有外因內因之別。歷節病在衛氣不足。下



南京中醫藥大學圖書館版權所有

竭足股。以致足膝留津。筋骨作痛。病源亦有外內之因也。由是觀之中風歷節。病皆在衛氣。一太過。一不及。一上衝。一下降而已。先師處方亦兩相對偶。一有黑散之清頭止血。一有桂枝芍藥知母之溫足行氣。一有風引防已地黃之清。一有烏頭之溫。一有頭風摩散擦頭。一有礬石煎湯之浸足也。侯氏黑散以驅風平氣止血之品。治外風寒症。四肢煩重。及身軀不遂諸症。按四肢煩重。卽中風初起之輕症。若重症。則四肢不遂矣。風引湯治內風熱症之癱瘓。按癱瘓亦手足不仁之意也。防已地黃湯治內風熱症。獨語如狂。此亦神經變亂之病也。此三方皆內服之品。更有外治之藥。卽頭風摩散。用生附子和鹽以麻醉神經。清其頭熱。則頭痛止。頭風平也。

桂枝芍藥知母湯。以溫散發汗之功。治歷節外因之脚腫。肢節痛。頭眩。身體尪羸等症。服之則衛氣宣。節痛止。病從外解者也。烏頭桂枝湯。治歷節內因。四肢歷節作痛。不可屈伸之症。以麻醉溫散之功。宣通衛氣。病從內解者也。以上二方係內服之藥。以麻黃附子烏頭爲主藥。桂芍蒼草佐之。尤知防薑使之。與防已地黃風引湯之以清衛涼血者。適得其反。所謂在上降之。在下升之。散者收之。結者散之之法也。更有外治之法。用礬石煎湯以洗足。治脚氣衝心之症。此又與頭風摩散作對偶。一上一下一頭一足者也。先師之法。在在含有深意存焉。

第五節 血痺虛勞方

血痺方

(一)黃芪桂枝五物湯

虛勞方

(二)桂枝加龍骨牡蠣湯

(三)天雄散

(四)小建中湯

(五)黃芪建中湯

(六)八味腎氣丸

(七)薯蕷丸

(八)酸棗仁湯

(九)大黃廔蟲丸

黃芪 桂枝 生薑 大棗 芍藥

龍骨 桂枝 生薑 甘草 大棗 芍藥 牡蠣

天雄 桂枝 白朮 龍骨

桂枝 生薑 甘草 大棗 芍藥 膠飴

黃芪 桂枝 生薑 甘草 大棗 芍藥 膠飴

地黃 薯蕷 萸肉 澤瀉 茯苓 肉桂 丹皮 附子

人參 阿膠 芍藥 芎藭 當歸 地黃 麥冬

薯蕷 白朮 茯苓 乾薑 甘艸 大棗 神糲

桂枝 豆卷 柴胡 防風 杏仁 桔梗 白蘇

酸棗仁 甘草 知母 茯苓 芎藭

大黃 廔蟲 蟲蟲 水蛭 蟬蛻 乾漆

黃芩 芍藥 桃仁 杏仁 甘草 地黃

血痺虛勞。皆血病也。血痺。病在外之軀殼。富貴尊榮。骨弱肌盛。血有餘之病也。虛勞。病在內之五藏。困頓勞過度。形消瘦。立血不足之症也。先師分爲攻補二類以治之。九方之中。八方皆補。一方主攻。誠以虛勞諸症。虛多實少也。大約勞多虛補。傷多實攻。先師立一法門。在學者審證擇方爲上。故治勞傷。有極虛不能補者。先宜攻去其病。而後補之也。

黃芪桂枝五物湯。以桂枝去甘草。加黃芪。倍生薑。行血行氣。升陽之法也。桂枝龍骨牡蠣湯。調營衛而潛上越之虛陽。方宗桂枝之法。天雄散。固下元而潛下逃之命火。法師眞武之方。此虛陽外越內脫之症。必用異曲同工之方者也。按勞則傷陽。陽虛宜此藥。而陰虛之治。先師雖未明言。然不可不知。有對面之方藥在也。

夫虛勞之病。根本在五藏。五藏者。主藏精而不瀉也。久勞。則根本枯竭。勞病成。諸症蜂起矣。先師作五方。以爲治五藏之勞立法也。小建中湯。脾勞之主方也。黃芪建中湯。肺勞之主方也。八味腎氣丸。腎勞之主方也。薯蕷丸。肝勞之主方也。酸棗仁湯。心勞之主方也。然皆陰陽並虛之治法。其偏陰偏陽之症。又非用純陰純陽之藥不可。更有有餘治法。大黃廬蟲丸。尙已。所謂去舊生新。緩中補虛之法。治五勞虛極之後。加以七傷致病。徒補無益也。先師以血痺症起頭。乾血勞結尾。中間調營衛。補氣血。和陰陽。重用芍地。以血爲根本也。

第六節 肺痿肺癰欬嗽上氣病方

(一)甘草乾薑湯 甘草 乾薑

(二)射干麻黃湯 射干 麻黃 細辛 紫苑 半夏 生薑 大棗 欬冬花

五味子

(三)皂莢丸 皂莢

(四)厚樸麻黃湯 厚樸 麻黃 細辛 杏仁 半夏 乾薑 小麥 石膏

五味

(五)澤漆湯 澤漆 黃芩 紫參 人參 白前 半夏 桂枝 生薑

甘草

(六)麥門冬湯 麥冬 人參 半夏 粳米 甘草 大棗

(七)葶藶大棗瀉肺湯 葶藶 大棗

(八)桔梗湯 桔梗 甘草

(九)越婢加半夏湯 麻黃 生薑 甘草 大棗 石膏 半夏

(十)小青龍加石膏湯 麻黃 細辛 桂枝 乾薑 甘草 芍藥 半夏 五味 石膏



肺痿肺癰咳嗽上氣皆肺藏病也。肺主氣氣結宜宣發。氣散宜收斂。氣寒宜溫。氣熱宜清。氣實宜瀉。氣虛宜補也。以上十方雖分治肺藏喘咳諸症。然其方義則不離陰陽寒熱表裏虛實。如甘草乾薑湯之溫。麥門冬湯之清。射干麻黃與越婢青龍之散邪宣發。皂莢丸與葶蘆桔梗之破結攻痰。厚樸麻黃之破氣。澤漆湯之涼血。合用分用。或寒或熱。總以麻細爲君。薑夏爲佐。先師立法而已。在學者擇善用之可也。按肺與皮毛相表裏。外邪最易傷肺。肺氣最怕壅塞。治尙宣發。故麻細薑夏處方獨多。以其宣發水份。非此不能宣通。則邪從裏解。發散則邪從表解也。熱則加清。寒則加溫。實則加攻。虛則加補。或氣。或血。或飲。或痰。或邪。或火。辨症已明。處方自易。病無不愈者也。

第七節 奔豚病方

(一) 奔豚湯

生葛 當歸 川芎 黃芩 芍藥 甘草 半夏 生薑
甘李根白皮

(二) 桂枝加桂湯

牡桂 桂枝 生薑 甘草 大棗 芍藥

(三) 苓桂草棗湯

茯苓 桂枝 甘草 大棗

病以奔豚名。象形也。其氣上衝。如豚奔之後。啍啍作響。故名也。按肺主氣。腎生氣。今腎氣上衝胸腹。因驚而得。治法以納氣爲主。輕則衝在少腹。甚則衝心。劇則衝胸也。氣熱上衝。奔豚湯可清熱平氣。氣寒上衝。

桂枝加桂。可引火歸原。攻傷水府之氣衝。苓桂草棗以納氣。攻傷水藏之氣衝。八味腎氣以固本也。此四方。標本俱有。寒熱咸備。奔豚湯。與桂枝加桂。治標之藥也。一性近涼。一性近溫。苓桂草棗。與八味腎氣。治本之藥也。其性亦一近溫。一近清。但三方皆用桂。一方則不用桂而用芎藭也。

第八節 胸閉心痛短氣病方

(一) 括樓薤白白酒湯

括樓實 薤白 白酒

(二) 括樓薤白半夏湯

括樓實 薤白 白酒 半夏

(三) 枳實薤白桂枝湯

括樓實 薤白 枳實 厚樸 桂枝

(四) 人參湯

人參 桂枝 白朮 乾薑 甘草

(五) 茯苓杏仁甘草湯

茯苓 杏仁 甘草

(六) 橘枳生薑湯

橘皮 枳實 生薑

(七) 薏苡附子散

薏苡仁 大附子

(八) 桂枝生薑枳實湯

桂枝 生薑 枳實

(九) 烏頭赤石脂丸

烏頭 赤石脂 蜀椒 乾薑 附子

胸閉、心痛、短氣等症。病因甚多。大概以濁陰上蒙清靈之府。以致氣結胸脘。煩悶作痛。呼吸不利。先師立

